


Entre los sègles XIIau e XIIIau, detzenadas de bastidas estòn edificadas en Gasconha. Aqueras creacions s'espandishen de 1255 (fondacion de Montreal) a 1322 (fondacion de Plasença).

Aqueras bastidas son vilatges novèls bastits lo mes sovent sus terradors verges de construccions (espacis cobèrts de bòsques per exemple) coma a Florença o a Gimont, mès tornan tanben prènguer un centre preexistent (ex : Jegun, Miradors).

Cartas son redigidas entà oficializar los novèls vilatges :

- ua carta de pareatge entre l'autoritat fondadora (ex : lo comte d'Armanhac, los representants deus reis de França e d'Anglatèrra) e los proprietaris de terrenhs (sovent senhors ecclesiastics)
- ua carta de costumas que precisa los drets e los devers deus poblants. S'agish d'atirar poblants numerosos e mes la carta de costumas ei avantatjosa, mes los candidats son numerosos...

Los fondadors an tanben mes d'un interès dins la fondacion d'aqueras bastidas : permeten de mercar lo territòri dins un contèxte de guèrra frequenta entre sobeirans franceses e angleses mès tanben entre senhors locals entre eths. Las fondacions pòrtan tanben revenguts suplementaris pr'amor de las numerosas talhas pagadas peus colons o mercands pendent los mercats o las hèiras.



Jòc

M V W M A V F F O R C É S G B L E
Z K M W I I I L Z E T P B V A A U
A E O O U R B L O Y E Q N O R X R
M I R A N D A C A R U C Q W Ç M D
J E E E U T R D O F E C L J A O E
Y E U X R W R K O L R N L E L N E
E G L A H E A E H R O A Ç D O T D
R E T E E D N R J A S N N A N J C
Y C U W M G O U U A U G H C A Ò C
F R A N C E S C À S U R S A A L A
Z O A M V H B N P W V S I I Z A N
E Y T I U V E A A E A O A M K W Y
R F F E A L I O V Y L U T F O Y A
T J Y L E S Q E I Y E Y P Y U N V
I R C A G S X H A Y N V X A W O T
S X E N O O G Y L J Ç A P O Y P B
Z O X E B E E B G P A V Y N T F A

Miranda
Francescàs
Vilafranca
Mielan
Miradors

Barçolona
Barran
Montrejau
Valença
Florença

Aurimont
Pavia
Forcès
Colonha
La Montjòla

LEXIC

Bastida : vilatge creat a l'Edat Mejana per decision senhoral entà atirar ua populacion novèla.

Carta : tèxte oficiau que definish los drets e los dévers deus senhors e deus poblants.

Senhor : persona (nòble o ecclesiastica) que possedish ua senhoria, ua tèrra sus la quina a autoritat.

Edat Mejana : periòda que separa l'Antiquitat de l'epòca moderna e que s'esten sus un millenari deu sègle V^{au} au sègle XV^{au}.

FRISA CRONOLOGICA

1255

fondacion de Montreal, prumèra bastida d'Armanhac

1278

fondacion de la bastida de Barran per l'arquevesque d'Aush, Amanieu II en pareatge dambe lo Comte d'Armanhac-Fezensac, Geraud V

1281

fondacion de Miranda per l'abat de Berdoas e lo comte d'Astarac, Bernat IV

1284

fondacion de Colonha peu senescau Eustache de Beaumarchais (representant deu rei de França e deu comte de Tolosa) en pareatge dambe lo senhor locau Otton, vescomte de Terrida

1322

fondacion de Plasença, darrèra bastida d'Armanhac



DÉPARTEMENT DU GERS



Erasmus+